




Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33-14369/21

Sarajevo, 02.04.2021. godine



JU DOM ZDRAVLJA KANTONA SARAJEVO
n/r Direktorice Mr. sci .med.Prim dr Amela Kečo, v.d Generalni direktor
ul. Vrazova broj 11
71000 Sarajevo

PREDMET: Otvaranje nove Covid - 19 terapijske ambulante - odgovor, dostavlja se
Veza vaš akt broj: 01-03-3179-3/21 od 30.03.2021.godine

Poštovana,

Vezano za Vaš dopis akt broj: 01-03-3179-3/21 od 30.03.2021.godine, kojim tražite saglasnost ovog ministarstva za otvaranje nove COVID - 19 terapijske ambulante u prostorijama prizemlja zgrade KJU "Porodično savjetovalište" obavještavamo da je ovo ministarstvo dostavilo upit JU Zavod za javno zdravstvo Kantona Sarajevo, broj: 10-33-11846/21 od 30.03.2021.godina, kojim se tražilo mišljenje na predmetni prostor.

Vezano za navedeno obavještavamo da u odgovoru Zavoda za javno zdravstvo Kantona Sarajevo (akt broj: 2159-1/21 od 01.04.2021.godine), navedeno je mišljenje da bi u slučaju otvaranja COVID - 19 ambulante u dijelu prostora KJU "Porodično savjetovalište" bilo nemoguće obezbijediti poštivanje epidemioloških mjera koje su na snazi i time izbjeći rizik širenja COVID infekcije. Iz navedenog proizilazi da Ministarstvo zdravstva Kantona Sarajevo ne može dati saglasnost da se u navedenom prostoru otvori COVID - 19 terapijska ambulanta.

Prilog:

- Odgovor JU Zavod za javno zdravstvo Kantona Sarajevo
akt broj: 2159-1/21 od 01.04.2021.godine

S poštovanjem,



Dostaviti:

- Ministarstvo za rad i socijalnu politiku Kantona Sarajevo
n/r Ministrice Ivana Prvulović



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



**J.U. ZAVOD ZA JAVNO
ZDRAVSTVO KANTONA
SARAJEVO**



**P.I. INSTITUTE FOR PUBLIC
HEALTH OF CANTON
SARAJEVO**

Broj: 2159 – 1/21 godine
Sarajevo, 01.04.2021. godine.

**Bosna i Hercegovina
Federacija Bosne i Hercegovine
Kanton Sarajevo
Ministarstvo zdravstva
N/P MINISTRA
Prof. dr Haris Vranić**

Predmet: Mišljenje – dostavlja se

Poštovani Ministre,

J.U. Zavod za javno zdravstvo Kantona Sarajevo je dana 30.03.2021. godine, putem Protokola broj 2159/21 god. dobio od Ministarstva zdravstva Kantona Sarajevo upit u kome se traži epidemiološko mišljenje o privremenom ustupanju dijela poslovnog objekta koji koristi Kantonalna javna ustanova „Porodično savjetovalište“, na adresi Ul. Bihaćka bb, za otvaranje Covid ambulante, čije bi otvaranje imalo za cilj rasteretiti D.Z. Omer Maslić, te pacijentima skratiti vrijeme čekanja na zdravstvenu uslugu.

Prije pomenutog dopisa vršena je prepiska između Ministarstva za rad, socijalnu politiku, raseljena lica i izbjeglice, Ministarstva zdravstva Kantona Sarajevo i Kantonalne javne ustanove „Porodično savjetovalište“. J.U. Zavod za javno zdravstvo Kantona Sarajevo je upoznat sa pomenutim prepiskama, informiranja radi. Od J.U. Zavod za javno zdravstvo Kantona Sarajevo traži se mišljenje o otvaranju Covid ambulante na pomenutoj lokaciji, sa epidemiološkog aspekta.

Predstavnici J.U. Zavod za javno zdravstvo Kantona Sarajevo su dana 01.04.2021. godine izašli na teren, posjetili Kantonalnu javnu ustanovu „Porodično savjetovalište“, pregledali prostor i konstatovali sljedeće:

- Zgrada Kantonalne javne ustanove „Porodično savjetovalište“ je namjenski projektovano za obavljanje predmetne djelatnosti;
- Na dnevnoj bazi zgradom cirkuliše oko 50 osoba, od čega 18 zaposlenika, a ostalo su korisnici usluga savjetovališta;
- Prostorije su namjenski projektovane za pojedinačne i grupne terapijske seanse, a prema navodu v.d. direktorice Mahire Poljak korisnici usluga su osobe koje, između ostalog, pate od depresije, anksioznosti i drugih psihičkih poremećaja, a jedan broj dolazi zbog psihičkih problema izazvanih gubitkom bliske osobe kao posljedica Covid oboljenja;




Adresa: dr. Mustafe Pindola br.1, 71210 Biđa
Tel: 627-889; 624-470
Fax: 033 622 227
web: <http://www.zzjzks.ba>
e-mail: gzavod@bih.net.ba



- Prostor u holu objekta planiran za otvaranje Covid ambulante je prevelik, bez pregradnih zidova i bez omogućavanja privatnosti za pacijenta u Covid ambulanti, jer je vanjski zid kompletnom dužinom izgrađen od stakla kroz koje se djelimično vidi unutrašnjost i tokom dana, a posebno u poslijepodnevnom i večernjim satima kada su unutra uključena svjetla;
- Planirani prostor ne posjeduje toalete niti za osoblje niti za pacijente. Jedini toalet na prizemlju se nalazi u prostoru u koji se ulazi drugim ulazom, koji bi koristili uposlenici i korisnici usluga čime bi došlo do miješanja i kontakta Covid+ pacijenata i zdravstvenih radnika sa korisnicima usluga i zaposlenicima Porodičnog savjetovaništa;
- Ventilacioni sistem cijele zgrade je povezan zajedničkom vertikalom, bez mogućnosti odvajanja i bez postojanja hepa filtera;
- Provjetravanje prostora planiranog za Covid ambulantu bi bilo ograničeno jer postoji samo jedan prozor na jednom kraju, u kuhinjskom dijelu, koji se može otvoriti i par malih prozora pri plafonu, koji se mogu samo vertikalno otvoriti;

Na osnovu navedenog, mišljenja smo da bi u slučaju otvaranja Covid ambulante u dijelu prostora Porodičnog savjetovaništa bilo nemoguće obezbjediti poštivanje epidemioloških mjera koje su na snazi, i time izbjeći rizik širenja Covid infekcije.

S poštovanjem,



Izradila/kontrolisala

Prim. dr. Alma Bungur, spec. epidemiologije
Voditelj Odjela za epidemiologiju zaraznih
bolesti